

# 觀眾生品第七

## (一) 眾生如幻

爾時，文殊師利問維摩詰言：「菩薩云何觀於眾生？」		
維摩詰言：「譬如幻師，見所幻人。菩薩觀眾生為若此：	<ul style="list-style-type: none"> <li>① 如智者見水中月，</li> <li>② 如鏡中見其面像，</li> <li>③ 如熱時焰，</li> <li>④ 如呼聲響，</li> <li>⑤ 如空中雲，</li> <li>⑥ 如水聚沫，</li> <li>⑦ 如水上泡；</li> <li>⑧ 如芭蕉堅，</li> <li>⑨ 如電久住，</li> <li>⑩ 如第五大，</li> <li>⑪ 如第六陰，</li> <li>⑫ 如第七情，</li> <li>⑬ 如十三入，</li> <li>⑭ 如十九界，</li> </ul>	菩薩觀眾生為若此。
	<ul style="list-style-type: none"> <li>① 如無色界色，</li> <li>② 如焦穀芽，</li> <li>③ 如須陀洹身見，</li> <li>④ 如阿那含入胎，</li> <li>⑤ 如阿羅漢三毒，</li> <li>⑥ 如得忍菩薩貪恚毀禁，</li> <li>⑦ 如佛煩惱習，</li> <li>⑧ 如盲者見色，</li> <li>⑨ 如入滅盡定出入息，</li> <li>⑩ 如空中鳥跡，</li> <li>⑪ 如石女兒，</li> <li>⑫ 如化人煩惱，</li> <li>⑬ 如夢所見已寤，</li> <li>⑭ 如滅度者受身，</li> <li>⑮ 如無煙之火，</li> </ul>	菩薩觀眾生為若此。」

(二) 慈悲喜捨

<p>文殊師利言：「若菩薩作是觀者，云何行慈？」</p>		<p>菩薩之慈，為若此也。」</p>
<p>維摩詰言： 「菩薩作是觀已，自念我當為眾生說如斯法，是即真實慈也。」</p>	<p>① 行寂滅慈，無所生故； ② 行不熱慈，無煩惱故； ③ 行等之慈，等三世故； ④ 行無諍慈，無所起故； ⑤ 行不二慈，內外不合故； ⑥ 行不壞慈，畢竟盡故； ⑦ 行堅固慈，心無毀故； ⑧ 行清淨慈，諸法性淨故； ⑨ 行無邊慈，如虛空故； ⑩ 行阿羅漢慈，破結賊故； ⑪ 行菩薩慈，安眾生故； ⑫ 行如來慈，得如相故； ⑬ 行佛之慈，覺眾生故； ⑭ 行自然慈，無因得故； ⑮ 行菩提慈，等一味故； ⑯ 行無等慈，斷諸愛故； ⑰ 行大悲慈，導以大乘故； ⑱ 行無厭慈，觀空無我故； ⑲ 行法施慈，無遺惜故； ⑳ 行持戒慈，化毀禁故； ㉑ 行忍辱慈，護彼我故； ㉒ 行精進慈，荷負眾生故； ㉓ 行禪定慈，不受味故； ㉔ 行智慧慈，無不知時故； ㉕ 行方便慈，一切示現故； ㉖ 行無隱慈，直心清淨故； ㉗ 行深心慈，無雜行故； ㉘ 行無誑慈，不虛假故； ㉙ 行安樂慈，令得佛樂故。</p>	
<p>文殊師利又問：「何謂為悲？」</p>		
<p>答曰：「菩薩所作功德，皆與一切眾生共之。」</p>		
<p>「何謂為喜？」</p>		
<p>答曰：「有所饒益，歡喜無悔。」</p>		
<p>「何謂為捨？」</p>		
<p>答曰：「所作福祐，無所希望。」</p>		

### (三) 菩薩何依

- ① 文殊師利又問：「生死有畏，菩薩當何所依？」  
維摩詰言：「菩薩於生死畏中，當依如來功德之力。」
- ② 文殊師利又問：「菩薩欲依如來功德之力，當於何住？」  
答曰：「菩薩欲依如來功德之力者，當住度脫一切眾生。」
- ③ 又問：「欲度眾生，當何所除？」  
答曰：「欲度眾生，除其煩惱。」
- ④ 又問：「欲除煩惱，當何所行？」  
答曰：「當行正念。」
- ⑤ 又問：「云何行於正念？」  
答曰：「當行不生不滅。」
- ⑥ 又問：「何法不生？何法不滅？」  
答曰：「不善不生，善法不滅。」
- ⑦ 又問：「善不善孰為本？」  
答曰：「身為本。」
- ⑧ 又問：「身孰為本？」  
答曰：「欲貪為本。」
- ⑨ 又問：「欲貪孰為本？」  
答曰：「虛妄分別為本。」
- ⑩ 又問：「虛妄分別孰為本？」  
答曰：「顛倒想為本。」
- ⑪ 又問：「顛倒想孰為本？」  
答曰：「無住為本。」
- ⑫ 又問：「無住孰為本？」  
答曰：「無住則無本。」

「文殊師利！從無住本，立一切法。」

(四) 天女散華

<p>時維摩詰室有一天女，見諸天人聞所說法，便現其身，即以天華，散諸菩薩大弟子上。華至諸菩薩，即皆墮落，至大弟子，便著不墮。一切弟子，神力去華，不能令去。</p>			
<p>爾時，天問舍利弗：「何故去華？」 答曰：「此華不如法，是以去之。」</p>			
<p>天曰：「勿謂此華為不如法，所以者何？是華無所分別，仁者自生分別想耳！」</p>	<p>① 若於佛法出家，有所分別，為不如法； ② 若無所分別，是則如法。</p>	<p>① 觀諸菩薩華不著者，已斷一切分別想故。 ② 譬如人畏時，非人得其便；如是，弟子畏生死故，色聲香味觸得其便也。 ③ 已離畏者，一切五欲無能為也。</p>	<p>① 結習未盡，華著身耳！ ② 結習盡者，華不著也。」</p>

(五) 無得無證

<p>舍利弗言：「天止此室，其已久如。」 答曰：「我止此室，如耆年解脫。」</p>		
<p>舍利弗言：「止此久耶？」 天曰：「耆年解脫，亦何如久？」 舍利弗默然不答。</p>		
<p>天曰：「如何耆舊大智而默？」 答曰：「解脫者無所言說，故吾於是不知所云。」</p>		
<p>天曰：「言說文字，皆解脫相。所以者何？」</p>	<p>① 解脫者，不內、不外，不在兩間。 ② 文字亦不內、不外，不在兩間。</p>	<p>是故舍利弗！無離文字說解脫也。所以者何？一切諸法是解脫相。」</p>
<p>舍利弗言：「不復以離淫、怒、癡為解脫乎？」</p>	<p>天曰：「佛為增上慢人，說離淫怒癡為解脫耳；若無增上慢者，佛說淫、怒、癡性，即是解脫。」</p>	<p>舍利弗言：「善哉！善哉！天女汝何所得？以何為證？辯乃如是！」</p>
<p>天曰：「我無得無證，故辯如是。所以者何？若有得有證者，則於佛法為增上慢。」</p>		

(六) 丈室之美

舍利弗問天：「汝於三乘，為何志求？」

<p>天曰：「</p>	<p>① 以聲聞法化眾生故，我為聲聞；                  ② 以因緣法化眾生故，我為辟支佛；                  ③ 以大悲法化眾生故，我為大乘。</p>	<p>① 舍利弗！如人入瞻蔔林，唯嗅瞻蔔，不嗅餘香。如是，若入此室，但聞佛功德之香，不樂聞聲聞辟支佛功德香也。                  ② 舍利弗！其有釋梵四天王，諸天龍鬼神等，入此室者，聞斯上人講說正法，皆樂佛功德之香，發心而出。                  ③ 舍利弗！吾止此室，十有二年，初不聞說聲聞辟支佛法，但聞菩薩大慈大悲，不可思議諸佛之法。                  ④ 舍利佛！此室常現八未曾有難得之法。何等為八：</p>	<p>① 此室常以金色光照，晝夜無異，不以日月所照為明，是為一未曾有難得之法；                  ② 此室入者，不為諸垢之所惱也，是為二未曾有難得之法；                  ③ 此室常有釋梵四天王、他方菩薩來會不絕，是為三未曾有難得之法；                  ④ 此室常說六波羅密不退轉法，是為四未曾有難得之法；                  ⑤ 此室常作天人第一之樂，弦出無量法化之聲，是為五未曾有難得之法；                  ⑥ 此室有四大藏，眾寶積滿，周窮濟乏，求得無盡，是為六未曾有難得之法；                  ⑦ 此室釋迦牟尼佛、阿彌陀佛、阿閼佛、寶德、寶炎、寶月、寶嚴、難勝、師子響、一切利成，如是等十方無量諸佛，是上人念時，即為皆來，廣說諸佛秘要法藏，說已還去，是為七未曾有難得之法；                  ⑧ 此室一切諸天嚴飾宮殿，諸佛淨土，皆於中現，是為八未曾有難得之法。</p>
<p>舍利弗！此室常現八未曾有難得之法，誰有見斯不思議事，而復樂於聲聞法乎？」</p>			

(七) 女轉男身

<p>舍利弗言：「汝何以不轉女身？」                  天曰：「我從十二年來求女人相，了不可得，當何所轉！譬如幻師，化作幻女，若有人問：何以不轉女身？是人為正問不？」                  舍利弗言：「不也！幻無定相，當何所轉？」                  天曰：「一切諸法，亦復如是，無有定相，云何乃問不轉女身？」</p>	<p>即時，天女以神通力，變舍利弗令如天女。</p>
<p>天自化身如舍利弗而問言：「何以不轉女身？」                  舍利弗以天女像而答言：「我今不知何轉而變為女身？」                  天曰：「舍利弗！若能轉此女身，則一切女人亦當能轉。如舍利弗非女而現女身，一切女人亦復如是，雖現女身而非女也，是故佛說一切諸法，非男、非女。」</p>	<p>即時，天女還攝神力，舍利弗身還復如故。</p>
<p>天問舍利弗：「女身色相，今何所在？」                  舍利弗言：「女身色相，無在、無不在。」                  天曰：「一切諸法，亦復如是：無在、無不在。」</p>	<p>夫無在、無不在者，佛所說也。」</p>

(八) 無得而得

<p>舍利弗問天：「汝於此沒，當生何所？」                  天曰：「佛化所生，吾如彼生。」                  曰：「佛化所生，非沒生也。」                  天曰：「眾生猶然，無沒生也。」</p>	<p>舍利弗問天：「汝久如當得阿耨多羅三藐三菩提？」                  天曰：「如舍利弗還為凡夫，我乃當成阿耨多羅三藐三菩提。」                  舍利弗言：「我作凡夫，無有是處！」                  天曰：「我得阿耨多羅三藐三菩提，亦無是處！所以者何？菩提無住處，是故無有得者。」</p>
<p>舍利弗言：「今諸佛得阿耨多羅三藐三菩提，已得當得，如恒河沙，皆謂何乎？」                  天曰：「皆以世俗文字數故，說有三世，非謂菩提有去來今。」                  天曰：「舍利弗！汝得阿羅漢道耶？」                  曰：「無所得故而得。」                  天曰：「諸佛菩薩，亦復如是，無所得故而得。」</p>	<p>爾時，維摩詰語舍利弗：「是天女已曾供養九十二億諸佛，已能遊戲菩薩神通，所願具足，得無生忍，住不退轉；以本願故，隨意能現，教化眾生。」</p>